



www.BibleForChildren.org




Yohaanisa 14



Yesuusi ba tamaaretako, “Hinte wozanay un7etofo, Xoossaa ammanite, tanaka ammanite. Ta Aawa keethan daro bessi de7ees. Taani hintew besse giigisanaw bayis. Hessa gidonnaako taani hintew odikeshin.”




“Taani bada besse giigisidaape guye, taani
de7iyasuwan hinte daana mela simma
yada hintena taako efana.”



Taani, Yohaani, hinte ishaya, hintera issife
Yesuusan waayiya, iya kawotethaanne iya
danda7aa be7as. Taani Xoossaa qaala


gishonne Yesuusaba markatida gisho,
yuushoy abban teqetida




biittan, Paximon
de7ayis.




He wode ta Ayyaanan haaretada de7ayis. Heko,
saluwan araata bolla issoy uttidaysa be7as.




Hessafe guye, sa7an, salon, sa7ape garsaninne abba
giddon de7iya medhetethi ubbay, “Araata bolla
uttidaysasinne Dorsaas, galatay,
bonchoy, sabinne wolqi,
meri merinaw gido”
yaagidi yexishin si7as.




Geeshsha katamiya, ooratha Yerusalaamey, azina gelanaw alleeqetada giigada de7iya maccasada salope Xoossaa matape duge wodhishin be7as. Araatape haysada yaagidi, odiya gita qaala si7as; “Xoossa Keethay asaara de7ees; Xoossay ba bonchuwara asaara issife daana. Enti iya dere gidana; Xoossay ba huuphen entara daana; I enta Xoossaa gidana.”



Yaatidi, kiitanchoy tana Xoossaa kawotetha
araatapenne Dorsaa kawotethaa araatape goggiya
mastooteda phooliya de7o haatha shaafa beesis.



Xoossaa bonchoy he katamaas poo7iya gishonne
Dorsay iyaw xompe gidiya gisho katamaas awa woyko
ageena poo7o koshshenna.



Dorsaa de7o maxaafan sunthay xaafetidaysata xalaali
attishin, tunabaa woyko yeellayaba oothay woyko
wordotey oonika he
katamaa gelenna.



“Xoossay enta ayfepe
afutha ubbaa quchana.
Hizape hayqoy woyko
kayoy woyko waasoy
woyko waayey deenna.
Gal77ay ubbay aadhis”
yaagis.




He kataman aybi baadethika deenna. Xoossaa kawotetha araataynne Dorsaa kawotetha araatay he kataman daana. Xoossaa aylleti Xoossaas oothana. Enti iya som7uwa be7ana; iya sunthay enta som7on xaafetana.



Hayqadaysati, gitatinne guuthati araata sinthan
eqadaysata be7as; maxaafati dooyetidosona; qassi
de7o maxaafa gidida hara maxaafi dooyetis.

Hayqadaysati maxaafan xaafetida banta oosuwada
pirda ekidosona. De7o maxaafan iya
sunthay xaafetiboonna asi
oonika tama abban yegetis.



Geeshsha Ayyaanayenne gelanaw giigida maccasiya,
“Haaya” yaagosona. Qassi haysa si7iya oonika,
“Haaya” yaago. Saamotida oonika haayo; de7o haatha
koyiya oonika coo eko.



Xoossaa Na7aa ammaniya ubbay
merinaa de7uwa laattanaape attishin,
dhayonna mela Xoossay ha alamiya
daro dosida gisho ba issi
Na7aa immis.



Roome 3:23 Asa ubbay nagara oothidosona; Xoossay entaw immida bonchuwafe haakidi attidosona.

Roome 6:23 Nagara gatey hayqo. Shin Xoossay, nu Godaa Kiristoos Yesuusa baggara immiya imotay merinaa de7o.

Ibraawe 9:27 Asi ubbay issi toho hayqanaw hessafe guye pirdetanaw bessees.

Efesoona 2:8,9 Hinte aadho keehatethan ammanon attideta. Hessika, Xoossaa imotape attishin, hinte ooon bentidaba gidenna. Oonika ceeqetonna mela atotethay bentiday ooon gidenna.



Roome 10:9,10 “Yesuusi Godaa” gada ne doonan markatikonne Xoossay iya hayqope denthidaaysa ne wozanan ammaniko, ne attana. Asi ba wozanan ammanidi xillees; ba doonan markatidi attees.

Yohaanaisa 3:16,17 Xoossaa Na7aa ammaniya ubbay merinaa de7uwa laattanaape attishin, dhayonna mela Xoossay ha alamiya daro dosida gisho ba issi Na7aa immis. Xoossay ba Na7aa ha alamiya kiittiday alamiya pirdanaw gidonashin alamiya iya baggara ashshanaasa.

1 Yohaanaisa 5:11-13 Hiza, markatethay haysa; Xoossay nuus merinaa de7o immis; he de7oyka iya Na7an de7ees yaageysa. Xoossaa Na7ay de7iya oodeska de7oy de7ees. Xoossaa Na7ay bayna oodeska de7oy baawa. Xoossaa Na7an ammaniya hintew merinaa de7oy de7eysa hinte erana mela haysa hintew xaafas.



Yohaanisa 14; 2 Qorontoosa 5; Qon 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Gofa Bible (gof) The Word for the World International and
The Word for the World Ethiopia

<https://www.bible.com/en-GB/bible/2344/GEN.1.GFBLVF>

©2026 Bible for Children, Inc.

www.M1914.org

www.bibleforchildren.org

